

Broj: 02-026/16
Sarajevo, 15. 03. 2016. godine

Na osnovu člana 90. stav (1) tačka 11. Statuta Sarajevske berze – burze, Uprava Berze, donosi

O D L U K U
o izmjenama i dopunama Cjenovnika Berze

Član 1.

Ovom Odlukom vrše se izmjene i dopune Cjenovnika Berze br. 260/13.

Član 2.

Iza člana 15. Cjenovnika, dodaje se novi član 15a. koji glasi:

„Član 15a.

Provizija za prijavu transakcija zaključenih preko OTC tržišta, u smislu Pravilnika o posredovanju u poslovima sa vrijednosnim papirima, koje se Berzi prijavljuju u skladu sa „Uputstvom o prijavi kupovine i prodaje vrijednosnih papira zaključenih izvan Berze kao i prijavi poslova sa vrijednosnim papirima preko OTC tržišta“, iznosi:

- za kratkoročne vrijednosne papire i instrumente tržišta novca: 0,01% od vrijednosti posla, a plaćaju je i kupac i prodavac;
- za dužničke vrijednosne papire zatvorenih dioničkih društava kao i društava ograničene odgovornosti iznosi 0,1%, a plaćaju je i kupac i prodavac;

Član 3.

Iza člana 18. dodaje se novi član 18a. Cjenovnika koji glasi:

„Za organizovanje aukcija za trgovinu dionicama Berze i profesionalnih posrednika, fiksna naknada za organizovanje aukcije iznosi 500,00 KM. Varijabilna naknada na vrijednost posla je ista kao kod redovne trgovine dionicama putem Berze.

Ukoliko je klijent dioničar Berze oslobođen je plaćanja fiksne naknade za organizovanje aukcije iz prethodne tačke.”

Član 4.

U članu 32. Cjenovnika u drugoj rečenici, riječi: „istekom svake godine“ se zamjenjuju riječima: „unaprijed za svaku kalendarsku godinu“.

Iza stava (1) dodaje se novi stav (2), koji glasi:

“Za emitente koji ne zaključe ugovor sa berzom u pogledu plaćanja naknade na godišnjem nivou iz prethodnog stava fakturisat će se naknada po pojedinačnoj objavi koja iznosi 250,00 KM.”

Član 5.

Ova odluka stupa na snagu osmog dana od dana davanja saglasnosti od strane Komisije za vrijednosne papire Federacije BiH.

Po dobijanju saglasnosti od Komisije za vrijednosne papire, ova odluka će se objaviti na internet stranici Sarajevske berze – burze.

Doc dr Tarik Kurbegović
Direktor

Ovu Odluku odobrila je Komisija za vrijednosne papire F BiH, Rješenjem br. 04/3-19-397/16 od 28. 12. 2016. godine na rok važenja zaključno sa danom 30. 04. 2017. godine.